











tatio predictorum lucrorum facta ab vxore vel ipsius hereditibus soluto iam matrimonio, procedit sine dubio: cum tunc etiam temporis nihil sit quod ei obstat, quia in hoc casu proprie loquitur nostra l.6. approbans predictam renuntiationem ab vxore factam, vt constat ex verbis supra proxime relatis, quorum verus sensus & mens videtur esse, quod renuntiatio facta fuerit soluto matrimonio: quandoquidem loquitur de lucris & sic de tempore praeterito, prout hanc leg. intelligit Palat. Rub. vbi supr. §. 6. nu. 2. & Burg de Paz d. quast. 9. nu. 10. & num. 13. post Curt. Sen. conf. 43. super

4 contingentia per totum, quem refert & tenet, quod vidua non admittatur contra talem renuntiationem lucrorum, etiam data enormissima laesione vel ratione minoris aetatis: Et merito tenendus est iste intellectus ad nostram legem, quia is casus frequentius accidit, & ad ea quae frequentius accidunt, iura adaptantur, vt in l. natu ad ea, ff. de leg. b. quia ad instantiam mariti vel ejus heredem seu creditorem moneri debet tunc mulier vel ejus heres, vt acceptet vel repudiet predicta bona, eique tempus certum ad id a iudice assignandum est, (puta de eodem diebus) intra quod ea acceptet vel repudiet: alioquin habebitur pro repudiante, si hoc est sibi de iuris, iuxta nota in l. final. §. sm autem, C. de iur. delib. cum similib. vt in praxi deduxit idem Palat. Rubens in Repet. d. Rubr. §. 66. nu. 3. quem sequitur Matien. in present. gl. nu. 8. & 9. Post acceptationem autem, vel repudiationem ab ea factam non poterit poenitere, vt per resdem 2b. supra.

5 Remaneant tunc disputandus tertius casus a supradictis doctoribus traditus, nempe in renuntiatione vel pacto generali horum lucrorum omnium bonorum quaerendorum vel iam quaestorum, vel particulari certae alicujus rei vestigialis vel negotiationis constante matrimonio factis: in quo praefati auctores idem tenent nempe vt valeat, quia ex eo vxor non fit pauperior, nec minuit patrimonium suum, licet propter eam renuntiationem vel desinat partim fieri ditior, vt l. si sponsus, §. si maritus, ff. de donat. inter vir. & vxorem, & ibi doctores l. 5. tit. 1. part. 4. Nec obstat quod in vxorem transeat dominium & possessio suae medietatis bonorum acquiritorum constante matrimonio ipso jure, vt supra quast. 11. 8. resolvimus. Atque proinde videbatur minime valere praedicta renuntiationem: quoniam, vt ibidem diximus, non vere sed fide & revocabiliter acquiritur vxori predictum dominium matrimonio constante. Hunc etiam casum probate videtur nostra lex nona Regia in sua generalitate, dum loquitur de renuntiatione lucrorum constante matrimonio iam quaestorum: nam ita potest intelligi, quod renuntiatio fuit facta constante matrimonio lucris iam acquisitis, sicut eo soluto.

Adhuc tamen dura videtur haec conclusio, nempe quod mulier matrimonio constante possit renuntiare lucris iam quaestis: quaerendis transeat, quaestis vero dubium facit. Nam matrimonium importunitate, precibus & nonnunquam minis attrahet vxorem, vt hanc renuntiationem in suum favorem facit, quae ob metum reverentialem saepe ac saepius, & vt morem gerat marito, & ne saevitia vtatur adversus eam, facile consentiet petitioni viri sui, remanebitque gravior & nonnunquam enormissime laesa atque damnificata, sub quo jure & dominio defraudata: at laesio enormis iuxta metui reverentialem sufficiens est ad rescindendum contractum in favorem mariti celebratum, juxta communem resolutionem doctorum a me traditam in meo tractatu de Iuramento confirmatorio, 1. part. cap. 1. nu. 16. & in repetitione Audent. sacramenta puberum, n. 93. & sequentibus C. si adversus vendit. Quinimo quinque fundamentis contrarium tanquam vetius probavit

Greg. Lop. in d. l. 5. tit. 11. part. 4. in gl. Otra manera. Burg. de Paz d. quast. 9. nu. 10. Et quod praedicta renuntiatio generalis lucrorum etiam quaerendorum ab vxore facta constante matrimonio non valeat, & idem praedicta pacto specialii vel renuntiatione certae alicujus rei vel negotiationis quod non valeat, & eo non obstantem possit mulier petere suam medietatem, late probat Mench. lib. 1. Controvers. Confusio. c. 13. n. 6.

Sed nihilominus praecedens sententia affirmativa verior videtur, & tenenda cum Palat. Rub. & Nicol. de Vbal. & ceteris supra allegatis, vt contra Greg. Lop. existimavit Matien. vbi supr. & iterum l. secundum gl. 1. nu. 60. hoc tit. 9. & contra Mench. vbi supra, cum allegans videtur etiam tenere Pelaez de maiorat. 4. part. principal. quast. 23. n. 60. & 61. fil. 497. Fundamenta enim Gregorij in contrarium adducta non concludunt, nec multum virgent & nostra lex Regia facis probat priorem opinionem affirmativam, vt praedixi. Nec obstat consideratio prima supra a me facta in favorem vxoris, illa siquidem magis procedere videtur respectu rerum dotialium, quarum cum effecta & irrevocabiliter est domina vxor jure communi & gentium: At vero in his lucris consuetudine tantum, & legibus hujus Regni communibus viro & vxori, debilius jus habet vxor, atque matrimonio constante revocabile: Quare facilius ab ea abdicatur, praecipue cum per hanc renuntiationem redcamur ad terminos juris communis: Quo attento, vt modo dicebamus mulieri praed. bona non communicantur.

SVMARIA.

- 1 Renuntiatio lucrorum constante matrimonio facta, an praesudicat creditoribus renuntiantis, per totam questionem distinguatur.
- 2 Maritus potest omittere & renuntiare lucrum dotis sibi a legemunicipali delatum in praedictum creditorem.
- 3 Debita contracta constante matrimonio sunt solvenda ex bonis eodem matrimonio durante acquisitis.
- 4 Filia carens descendenti bus, non potest in fraudem disponere de bonis quaestis constante matrimonio in praedictum patris, bene tamen poterit a principio fraude cessante renuntiare lucris futuris.
- 5 Mulier constante matrimonio potest renuntiare bonis eo durante acquisitis in favorem mariti in praedictum parentum vel filiorum, nisi fiat in fraudem legitima, vel nisi fuerint iam acquisita & incorporata in societate matrimonij.
- 6 Maritus in praedictum sibi, cui bona postea deservitur, non potest renuntiare bonis acquisitis constante matrimonio in patrimonium iam incorporatis.

Eadem l. 60. Taur.

QUESTIO CXXVIII.

Quaestio prima, an hac renuntiatio lucrorum constante matrimonio fieri possit ab aliquo ex coniugibus etiam si repudians creditores habeat: Et fieri hoc casu posse praestat argumentum l. qua autem, ff. que in fraud. cred. vbi probatur, posse debitorem in praedictum suorum creditorum renuntiare hereditatem vel legatum sibi delatum, quia ex hoc non minuit suum patrimonium, sed desinit acquirere: ex quo textu plurima in proposito refert, & de ejus intellectu late agit Tell. Fernandez in l. 4. Taur. num. 52. & sequentibus, sed & eum textum late induxit in favorem hujus partis, licet in alio proposito in capitulo quaevis passum, in princ. num. 20. & sequentibus, de passu in 6. Ergo ita & eodem modo conjux habens creditores poterit praedicta bona repudiare, nec ipsi poterunt conquiri, allentes per

per fraudem bona illa fuisse renuntiata: cum is, qui repudiat, nihil ex proprijs bonis sibi ipsum perfecte acquisitis dimittat, nec ex tunc repudiatione alter quidquam consequatur, sed eo tendit haec renuntiatio, ne renuntians acquirat, prout respondit Philipp. Decius cos. 260. n. 1. & seqq. in lucro dotis, quod viro leg. municipaliter deferret, vt id omittere possit, & valeat omisso quod renuntiat in praedictum creditorum viri, atque & idem probat Decius in l. 1. n. 18. C. de secund. nuptijs & Phan de lucro dotis gl. 8. n. 29. Quibus fundamentis hanc opin. in terminis nostrae quaestiois probat Covar. in Quarto, 2. part. cap. 7. §. 1. n. 12. eamque sequitur in vidua renuntiantem, vt ejus creditores non admittantur ad revocandum hujusmodi renuntiationem lucrorum, doct. Burg. de Paz q. civil. 9. nu. 12. ad fi.

3 Sed contra hanc sententiam fortiter virget, quod debita contracta constante matrimonio sunt solvenda ex bonis superlucratis eodem matrimonio durante, vt in nostra leg. a contrario sensu, dum probat quod mulier renuntians praedictis lucris non teneatur solvere debita: ergo ea non renuntiantem, solvere teneatur debita durante matrimonio contracta, & quod praedicta debita solvenda sunt ex dictis bonis superlucratis constante matrimonio, probat l. 03. Styl. & l. 14. tit. 20. lib. 3. For. & ita praxis admittit: Cum igitur debita praedicta solvenda sint ex dictis bonis, videtur quod renuntiatio de qua agimus, nullo modo nocere possit creditoribus, saltem respectu bonorum iam quaestorum tempore renuntiationis, quandoquidem alter conjux, cui bona deferuntur, teneatur ad debitum omnium satisfactionem: Procedet igitur praecedens opinio respectu quaerendorum, non vero iam quaestorum, in quibus renuntiatio praedicta minime valebit in praedictum creditorum, prout existimavit Matien. bis. d. gl. 1. n. 6.

4 Ex quo inferitur, quod filia carens descendenti bus bonis acquisitis constante matrimonio inter ipsam & maritum, non poterit renuntiare vel aliter in fraudem donare vel vendere in praedictum patris, cui est jus quaesitum, bene tamen poterit fraude cessante a principio renuntiare lucris futuris, vt in his terminis resolvit Palat. Rubens in repetit. rubr. de don. inter. §. 6. n. 6. idem expresse sequitur Pelaez de maiorat. 4. part. princ. 5. quast. 21. n. 60. dices quod tunc potest mulier nupta renuntiare bonis constante matrimonio acquisitis in favorem mariti in praedictum parentum vel filiorum, quibus legitima debetur, nisi bona iam acquisita & incorporata in societate matrimonij fuerint, & nisi renuntiatio facta fuerit in fraudem legitima, quae parentibus debetur, & si eadem tenet in marito, quod is in praedictum sibi, cui bona postea deferuntur, non possit si renuntiare bonis constante matrimonio superlucratis, quae in patrimonium iam sunt delata & incorporata, & quod diversum est vbi maritus renuntiat in incorporata sint. Conferunt etiam quae alias late adduxi in d. cap. quaevis passum, in princ. n. 19. & pluribus sequentibus praecipue nu. 24. & in §. sui, de hereditum qual. & diff. n. 95. idem in terminis late probat Ayora de part. in 4. specie part. ad finem libri, pag. 191. ubi: Quanto a la primera, & fol. 192. ibi, nec his obstat.

SVMARIA.

- 1 Mulier, an teneatur solvere partem debiti fideiussionis, quam maritus fecit constante matrimonio si vellet partem lucrorum: per totam questionem resolvitur non teneatur.
- 2 Omnia damna & lucra constante matrimonio provenientia debent esse communia inter maritum & vxorem.
- 3 Vxor non teneatur ex fideiussionis mariti.

4 Stante statuto, vt ex contractibus unius socij reliqui renentantur, ad fideiussionem est statutum non potestur.

5 Maritus potest dotare filiam suam prius matrimonio ex bonis constante secundo matrimonio acquisitis: quod si id faciat, mulier recipiet tantumdem ex eisdem bonis, quibus deficientibus, ex bonis proprijs mariti mulieri supplendum est.

Eadem l. 60. Taur.

QUESTIO CXXVIII.

Quaestio prima, an mulier teneatur solvere partem debiti fideiussionis quam maritus fecit constante matrimonio, si vellet partem lucrorum: Et videtur eam teneatur, quoniam debitum hoc est contractum constante matrimonio: ad debita autem constante matrimonio contracta tenetur mulier, si lucris non renuntiat vere, vt in hac l. 1. Ergo tenebitur ad solutionem dimidiae partis debiti fideiussionis mariti.

Secundo, quia cum maritus constante matrimonio sit legitimus administrator omnium lucrorum, eo constante acquiritorum, adeo vt & alienare possit absque fraude & cautela, vt in l. 5. supr. eod. si fideiussor sit & solvit pro alio, merito deducendum est, quod ex praed. causa fideiussionis solum fuit de bonis communibus mariti & vxoris durante matrimonio acquisitis, cum possit & alienare bona fide. At cum quis fidei debet pro alio, non facit in fraudem sed potius vt subveniat proximo, quinimo est opus pietatis & charitatis fideiubere pro alio, vt colligitur ex me traditis in tractat. de iuram. confirm. 1. p. 71. n. 5.

Tertio, quia t omnia damna & lucra constante matrimonio provenientia, debent esse communia inter virum & vxorem. argum. l. cum duobus, §. quidam sagarim, ff. pro soc. l. omne as alienum, & in l. 3. supra eodem tit. c. ibi: Ca assi como la cosa es ganada de ambos, lo que assi granar en sea cumunal de ambos. Igitur damnum contingens ex hac fideiussione bona fide contracta commune esse debet. Nec obstat quod nullum lucrum consequi poterat societati ex hujusmodi fideiussione, & ideo nec damnum quod ex ea provenit solvendum videtur ex praedictis bonis communibus durante matrimonio acquisitis: nam respondeo lucrum ex fideiussione consequi posse, nempe quod ille pro quo maritus fideiussit tantumdem reddet ei, quoties opus fuerit, si que statim maritus lucratur voluntatem illius, vt postea sit ei gratus, vt benefacere ei teneatur naturali quadam obligatione, quam ad antidoram vocant, vt in l. sed & si lege, §. consuluit, cum similib. ff. de petitio. hered. si que prodelle poterit viro & vxori durante eodem matrimonio intercedendo pro eis in re eidem societati admodum praestabili.

Quarto, quia si diceremus esset ad modum restringere potestatem mariti, cum eadem ratione, vt supra solvimus q. 120. nu. 4. possit donare modice consanguineis & alijs gentibus.

In contrarium tamen facit, quia sicut vxor ad debita contracta ante matrimonium non tenetur, vt in l. 4. vers. Et si antes, tit. 20. lib. 3. For. Ita etiam videtur quod non teneatur solvere partem debiti ex fideiussione mariti contracti ex bonis constanti matrimonio acquisitis, cum nullum ex fideiussione lucrum consequi possit inter eam & vxorem communicandum: Quinimo plerumque damnum, vt experientia docet: Videmus enim homines admodum divites pluribus fideiussionibus implicatos brevi tempore versuram facientes perditum ire, si que fideiubere dici potest pe. dere. Nam ille qui fideiubet, dicitur male vii substantia sua secundum Alex.

